

Ein anders.

Vom newen bis zum vollen Schein/
See nach Mittag / so wurdts fein rein.
Vom vollen bis zum newen Liecht/
See vor Mittag / wird nicht brandicht.
Johan. Reinstein.

Ein anders.

Vorschlage bald etliche Garben zu Samen Weihen / vnd schüttele ihn auff den Boden / breite ihn auß / daß er nur einer Hand dicke ligt / siebe Aschen drein / rühre es wol durch einander / vnd laß 3. Tage also ligen / vnd see ihn auß / wenn die Sonne in der Wagen ist.

Item / Hieronymus Bock schreibt in seinem Herbario part. 3. cap. 53. Wenn der Brenner oder Fresser / der Frucht Schaden bringet / wie denn gemeiniglich im Aprillen vnd Meyen geschicht / als denn soll man Zweige von Lorberbäumen in das Feld stecken / so sey die Frucht im selbigen Jahre des Brenners vnd Fressers frey / vnd besinde keinen Schaden.

Das XXV. Capitel.

Vom Glackß.

Daß der Glackß wird wie eine Selde.

Der Glackß in einem Kessel umbher / schabe Seiffe / Alaun / vnd gesiebte Aschen / vnter einander / vnd lege eine Schicht vmb die ander / alles in einen Kessel / geuß Wasser drauff / seuds mit einander / einen halben Tag / oder läncker / wasche es auß dem Trüben / henge ihn darnach an die Sonne / Wenn das geschehen / als denn reibe vnd hechele ihn.